



趙文敏公松雪齋全集

礪三題簽

PL
2688
.A1
v.1





YORK UNIVERSITY

JUN 1 / 200

EAST ASIAN ST

趙文敏公松

雪齋全集



序

吳興趙子昂與余交十五年凡五見每見必以詩文相振激子昂才極高氣極爽余
跂之不能及然而未嘗不為余盡也最後又見於杭始大出其平生之作曰松雪齋
詩文集者若干卷屬余評之余惟人之各以其材自致於世必能相及也而後相知
必相知也而後能相為言余於子昂不相及而何以知何以言乎子昂曰雖然必言
之余曰必言之則就吾二人之今所歷者請以杭喻浙東西之山水莫美於杭雖兒
童婦女未嘗至杭者知其美也使之言杭亦不敢不以為美也而不如吾二人之能
言何者吾二人嘗身歷而知之而彼未嘗至也他日試以其說問居杭之人則言之
不能以皆一彼所取於杭者異也今人之於詩之於文未嘗身歷而知之而欲言者
皆是也幸嘗歷而知之而言之同者亦未之有也子昂未弱冠時出語已驚其里中
儒先稍長大而四方萬里重購以求其文車馬所至填門傾郭得片紙隻字人人
心愜意滿而去此非可以聲色致也而子昂豈謂其皆知我哉故古之相知者必若韓
孟歐梅同聲壹跡綢繆傾吐而後為遇而後世乃欲望此於道途邂逅之間則又過
矣余評子昂古賦凌歷頓迅在楚漢之間古詩沈涵鮑謝自餘諸作猶傲晚高適李
翱云子昂自知之以為何如大德戊戌仲春既望剡源戴表元序

元趙文敏公松雪齋集十卷公子仲穆所編次至元間刊於花溪沈氏外集一卷亦沈氏家塾所刊也 家大人舊有抄本近從長洲友人家獲借先朝文博士壽承所

版藏原刻本校正其譌缺復裒他書及石刻所載合之家藏墨跡為續集一卷其行狀謚文仍列卷末而弁元史本傳於集首以備參考云世所稱元四家曰虞楊范揭而不及文敏向頗疑之及讀南邨輟耕錄述虞伯生先生嘗以所作詣公有句云山連閣道晨留輦野散周廬夜屬橐公曰美則美矣若改山為天野為星則尤美虞先生深服之故國朝之詩稱虞趙楊范揭焉九成先生為趙氏之甥其考据固與耳食者異又述伯生嘗評三公詩而自負為漢廷老吏竊意四家之稱寔沿於此而楊公仲弘所作公行狀自言受業於門者垂二十年虞公詩法又自楊公啟之於文敏皆為代興故或人所叩擊伯生所評論第及其同時才名相雄長之人而止而世遂沿之曰四家云爾若以有元一代之詩論之當自文敏公始無疑也又嘗考宋潛溪先生集稱有元盛時以文章名天下者曰虞歐范揭其所舉四家與世所稱者又異蓋特指荆楚之士言耳他日作公像贊乃云文運中微頽波日靡公起東南作天一柱又云三百年間東西萬里雄鳴一代如公者幾公貌如玉公文如金變化莫測照耀古今潛溪手定元史於中原文獻之傳至悉而斂衽於公若此則公文實為有元一

代作者之倡又無疑也公書畫並造神境家大人嘗教廉學書從松雪入有規矩可守然後徐議晉唐耳又曰須得公筆力逐腕失神流於姿媚昔人所謂奴書也廉退而臨摹媿未肖公一二讀公遺文益切嚮往今世松雪翁帖家置一本而是集未獲流布深為藝林憾事因鳩工重鋟以廣其傳其他碑板文字為集中未載者多有不敢輒為增入以失當時決擇之意獨詩與題跋雖公不經意處皆可玩味別加編輯以續於後若見聞所未及則以俟博雅君子康熙癸巳九月重陽前一日海上後學曹培廉拜題於城書室

元史本傳

趙孟頫字子昂宋太祖子秦王德芳之後也五世祖秀安僖王子偁四世祖崇憲靖王伯圭高宗無子立子偁之子是為孝宗伯圭其兄也賜第於湖州故孟頫為湖州人曾祖師垂祖希永父與訐仕宋皆至大官入國朝以孟頫貴累贈師垂集賢侍讀學士希永太常禮儀院使立封吳興郡公與訐集賢大學士封魏國公孟頫幼聰敏讀書過目輒成誦為文操筆立就年十四用父蔭補官試中吏部銓法調真州司戶叅軍宋亡家居益自力於學至元二十三年行臺侍御史程鉅夫奉詔搜訪遺逸於江南得孟頫以之入見孟頫才氣英邁神采煥發如神仙中人世祖顧之喜使坐右丞葉李上或言孟頫宋宗室子不宜使近左右帝不聽時方立尚書省命孟頫草詔頒天下帝覽之喜曰得朕心之所欲言者矣詔集百官於刑部議法衆欲計至元鈔二百貫贓滿者死孟頫曰始造鈔時以銀為本虛寔相權今二十餘年間輕重相去至數十倍故改中統為至元又二十年後至元必復如中統使民計鈔抵法疑於太重古者以米絹民生所須謂之二寔銀錢與二物相權謂之二虛四者為直雖升降有時終不大相遠也以絹計贓最為適中況鈔乃宋時所創施於邊郡今人襲而用之皆出於不得已乃欲以此斷人死命似不足深取也或以孟頫年少初自南方來譏國法

不便意頗不平責孟頫曰今朝廷行至元欽故犯法者以是計賊論罪汝以為非豈欲沮格至元欽耶孟頫曰法者人命所係議有重輕則人不得其死矣孟頫奉詔與議不敢不言今中統欽虛故改至元欽謂至元欽終無虛時豈有是理公不撥於理欲以勢相陵可乎其人有愧色帝初欲大用孟頫議者難之二十四年六月授兵部郎中兵部總天下諸驛時使客飲食之費幾十倍於前吏無以供給強取於民不勝其擾遂請於中書增欽給之至元欽法滯澁不能行詔遣尚書劉宣與孟頫馳驛至江南問行省丞相慢令之罪凡左右司官及諸路官則徑答之孟頫受命而行比還不答一人丞相桑哥大以為譴時有王虎臣者言平江路總管趙全不法即命虎臣往按之葉李執奏不宜遣虎臣帝不聽孟頫進曰趙全固當問然虎臣前守此郡多強買人田縱賓客為奸利全數與爭虎臣怨之虎臣往必將陷全事縱得寔人亦不能無疑帝悟乃遣他使桑哥鍾初鳴時即坐省中六曹官後至者則答之孟頫偶後至斷事官遽引孟頫受答孟頫入訴於都堂右丞葉李曰古者刑不上大夫所以養其廉恥教之節義且辱士大夫是辱朝廷也桑哥亟慰孟頫使出自是所答唯曹史以下他日行東御牆外道險孟頫馬跌墮於河桑哥聞之言於帝移築御牆稍西二丈許帝聞孟頫素貧賜欽五十錠二十七年遷集賢直學士是歲地震北京尤甚地

陷黑沙水涌出人死傷數十萬帝深憂之時駐蹕龍虎臺遣阿剌渾撒里地還召集賢翰林兩院官詢致災之由議者畏忌桑哥但泛引經傳及五行災異之言以脩人事應天變為對莫敢語及時政先是桑哥遣忻都及王濟等理算天下錢糧已徵入數百萬未徵者尚數千萬害民特甚民不聊生自殺者相屬逃山林者則發兵捕之皆莫敢沮其事孟頫與阿剌渾撒里甚善勸令奏帝赦天下盡與蠲除庶幾天變可弭阿剌渾撒里入奏如孟頫所言帝從之詔草已具桑哥怒謂必非帝意孟頫曰凡錢糧未徵者其人死亡已盡何所從取非及是時除免之他日言事者倘以失陷錢糧數千萬歸咎尚書省豈不為丞相深累耶桑哥悟民始獲蘇帝嘗問葉季留夢炎優劣孟頫對曰夢炎臣之父執其人重厚篤於自信好謀而能斷有大臣器葉季所讀之書臣皆讀之其所知所能臣皆知之能之帝曰汝以夢炎賢於季耶夢炎在宋為狀元位至丞相當賈似道誤國罔上夢炎依阿取容季布衣乃伏闕上書是賢於夢炎也汝以夢炎父友不敢斥言其非可賦詩譏之孟頫所賦詩有往事已非那可說且將忠直報皇元之語帝歎賞焉孟頫退謂奉御徹里曰帝論賈似道誤國責留夢炎不言桑哥罪甚於似道而我等不言他日何以辭其責然我疏遠之臣言必不聽侍臣中讀書知義理慷慨有大節又為上所親信無踰公者夫捐一旦之命為萬

姓除殘賊仁者之事也公必勉之既而徹里至帝前數桑哥罪惡帝怒命衛士扼其頰血涌口鼻委頓地上少間復呼而問之對如初時大臣亦有繼言者帝遂按誅桑哥罷尚書省大臣多以罪去帝欲使孟頫與聞中書政事孟頫固辭有旨令出入宮門無禁每見必從容語及治道多所裨益帝問汝趙太祖孫耶太宗孫耶對曰臣太祖十一世孫帝曰太祖行事汝知之乎孟頫謝不知帝曰太祖行事多可取者朕皆知之孟頫自念久在上側必為人所忌力請補外二十九年出同知濟南路總管府事時總管闕孟頫獨署府事官事清簡有元欺兒者役於鹽場不勝艱苦因逃去其父求得他人屍遂誣告同役者殺欺兒既誣服孟頫疑其冤留弗決踰月欺兒自歸郡中稱為神明僉廉訪司事韋哈刺哈孫素苛虐以孟頫不能承順其意以事中之會修世祖寔錄召孟頫還京師乃解久之遷知汾州未上有旨書金字藏經既成除集賢直學士江漸等處儒學提舉遷秦州尹未上至大三年召至京師以翰林侍讀學士與他學士擬定祀南郊祝文及擬進殿名議不合謁告去仁宗在東宮素知其名及即位召除集賢侍講學士中奉大夫延祐元年改翰林侍講學士遷集賢侍講學士資德大夫三年拜翰林學士承旨榮祿大夫帝眷之甚厚以字呼之而不名帝嘗與侍臣論文學之士以孟頫比唐李白宋蘇子瞻又嘗稱孟頫操履純正博學多

聞書畫絕倫旁通佛老之旨皆人所不及有不悅者間之帝初若不聞者又有上書言國史所載不宜使孟頫與聞者帝乃曰趙子昂世祖皇帝所簡拔朕特優以禮貌置之館閣典司述作傳之後世此屬咄咄何也俄賜欵五百錠謂侍臣曰中書每稱國用不足必持而不與其以普慶寺別貼欵給之孟頫嘗累月不至宮中帝以問左右皆謂其年老畏寒勅御府賜貂鼠裘初孟頫以程鉅夫薦起家為郎及鉅夫為翰林學士承旨求致仕去孟頫代之先往拜其門而後入院時人以為衣冠盛事六年得請南歸帝遣使賜衣幣趣之還朝以疾不果行至治元年英宗遣使即其家俾書孝經二年賜上尊及衣二襲是歲六月卒年六十九追封魏國公謚文敏所著有尚書註有琴原樂原得律呂不傳之妙詩文清邃奇逸讀之使人有飄飄出塵之想篆籀分隸真行草書無不冠絕古今遂以書名天下天竺有僧數萬里來求其書歸國中寶之其畫山水木石花竹人馬尤精緻前史官楊載稱孟頫之才頗為書畫所掩知其書畫者不知其文章知其文章者不知其經濟之學人以為知言云子雍奕並以書畫知名

趙文敏公松雪齋全集序終

趙文敏公松雪齋全集目錄

卷第一

賦

吳興賦

求友賦答袁養直

紈扇賦

修竹賦

赤兎鶉賦

卷第二

五言古詩

古風十首

有所思

和子俊感秋五首

詠懷六首

詠逸民十一首

歲莫效剛父雜詩四首

贈道隆上人

遊南山憇山下人家

東郊

春後多陰偶成三首用復無逸來貺

曉起川上贈友

遊弁山

登尊經閣望郊外山水二首

四慕詩和錢舜舉韻

春思

雜詩一首

寄題右之此靜軒

廉山曉行

奉和本齋先生首夏即事

贈趙虞卿

題董元溪岸圖

贈別夾谷公二首

題舜舉小隱圖

趙邨道中二首

奉酬戴帥初架閣見贈二首

桐廬道中

張詹事遜初亭

送周正平學士致仕還里

寄鮮于伯幾

送程于充運副之杭州

贈茅山梁道士

罪出

次韻齊彥學士中秋雨後玩月

秋日錦櫻為繼卿作

聽姜伯惠父彈琴擘阮

題洞陽徐真人萬壑松風圖

自釋

禱雨龍洞山

送石仲璋

題桃源圖

題歸去來圖

題李伯時五馬圖

酬滕野雲

述太傅丞相伯顏公功德

送文子方調選雲南

吳真人盧溝雨別圖

高氏謹節堂

題耕織圖二十四首

卷第三

五言古詩

謝貞居先生寄周鐘

閒居

病中春寒

松澗詩贈丁師善

興中府某氏見山樓

贈恢上人

露坐

題黃華為其父寫真

題先賢張公十詠圖

犀浦遐觀

吳俊卿義塾

寄題杜尊師白雲庵瓊秀亭二首

七言古詩

楊堅卅治水歌

題舜舉著色梨花

兵部聽事前枯柏

題西溪圖贈送鮮于伯幾

題二喬圖

題黃素黃庭後

戲題出洗馬

送孟仲則遊荆湖兼任襄漢

烈婦行

送高仁卿還湖州

贈相士

謝鮮于伯幾惠震餘琴

贈相者

漁父詞二首

送朱仲陽太平教授

題李公略所藏高彦敬夜山圖

贈吳真人

題也先帖木兒開府宅壁畫山水歌

孤燕曲

題商德符學士桃源春曉圖

秋夜曲二首

孔道輔擊蛇笏

李氏種德齋

贈張彥古

送田師孟知河中府

趙克敬耘庵

膳脂驄圖歌

贈捏古伯

送高郎仲德往汝州迎母

次韻葉公右丞紀夢

楊天瑞府判平冤詩

賦張秋泉真人所藏研山

題舜舉摹伯時二馬圖

兔

贈相師王蒙泉

卷第四

五言律詩

春寒

雪後同子俊遊何山次韻四首

早春

重遊弁山二首

魚樂樓

秋夜

次韻陳無逸中秋月食風雨不見

獨夜

次韻子山登樓有感二首

聞角

次韻馮伯田秋興三首

本齋先生輓詩二首

贈權季玉兼簡李順甫

奉和帥初兄將歸見簡二首

送楊幼澄教授歸江西兼寄吳幼清

送李清甫田御史出按四川

送劉伯常淮東都事

晉公子奔逃圖邀端父御史同賦

題米元暉山水

送張仲實還杭州

食粥

酬衛處士見贈

送吳禮部奉旨詣彭湖

大司農侯公輓詩

和周景遠見寄二首

奉隆福召命過德清別業

謝石林贈湖石

筇竹杖贈天聖長老仁公

胡穆仲先生輓詩

贈永清曾顯祖縣尹

贈鄭之喬

來鶴亭

大都過平江龍興寺僧閒上座話唐慕安潛宿龍興寺詩因次其韻

李太白酒樓

送翟伯玉雲南省都事

題趙敬甫待御祖德詩

獲周豐鼎

贈劉節軒侍御

雨

寄題陸振之與閒堂

次韻觀復表兄見簡二首

故兩浙運使李公輓詩二首

五言排律

送張夢符郎中還朝

送董叅政赴召

投贈刑部尚書不忽木公

送夾谷公分省陝西

秋日即事

元日朝賀

奉贈平章李相公十韻

題楊司農宅劉伯熙畫山水圖

七言律詩

和姚子敬秋懷五首

聞擣衣

登飛英塔

岳鄂王墓

谿上

次韻剛父無逸遊南山作

次韻子俊

次韻本齋先生即事

次韻信仲晚興

次韻王時觀

錢塘懷古

次韻舜舉春日感興

紀舊遊

次韻章得一同原父姪遊蘭澤

見章得一詩因次其韻二首

奉和帥初雨中見贈二首

次韻帥初

多景樓

東陽八詠樓

金陵雨花臺遂至故人劉叔亮墓

蛾眉亭

海上即事

贈周景遠田師孟

送李元讓赴行臺治書侍御史

送劉天錫鎮守鄂州

送繆秀才教授真州

送闔子敬廉訪浙西

次韻左轄相公

次韻左轄相公奉寄行臺中丞徐公

送孟君復信州總管

追輓宋漢臣副使

欽誦世祖皇帝聖德詩

送吳師可總管汀州

李仲淵求其弟叔行萬竹亭詩為賦一首

王氏節婦

和姚子敬韻

趙子敬御史志養堂

至元庚辰縣集賢出知濟南暫還吳興賦詩書懷二首

初到濟南

劉端甫御史見和前詩次韻答之

次韻端甫和鮮于伯幾所寄詩

春日送廉訪監司赴都

送劉安道指揮副使還都兼寄李士弘學士

酌突泉

繼鄭鵬南書懷

驚秋

德清閒居

題山堂

醉後同張剛父清風樓聯句

和鄧善之九月雪

次韻子敬懷王子慶往吳中

卷第五

七言律詩

海子上即事與李子構同賦

重用韻

次韻西雲長老贈周仲和

送杜伯玉四川行省都事

次韻李秀才見贈

人日立春

送岳德故提舉甘肅儒學

送蕭萬戶鎮閬州

留別潘王

德昌總管雪後見過而余適往德清別業歸來承惠詩走筆奉和

三日後再雪德昌復枉騎見過既而復和前篇見贈輒亦次韻
已酉元日朝拜喜晴總管次前韻見教復和一首

遊烏鎮次韻千瀨長老

贈張進中筆生

贈放煙火者

輓洞霄章耕隱

題溫雪峰詩蹟

次韻龐亨簡禮部

盧彥威用韻見贈亦復次韻

論書

寄題保定杜處士晚翠樓

贈張德玉

歲晚偶成

勝槩樓

次韻杜浩卿詠所藏研

送史總管廉訪江東

贈脫帖木兒總管

壽平章李韓公

鶴歸亭

輓道士危功遠

送柳湯佐懷孟總管

送吳真人告歸為二親八十壽兼降香名山

老態

五言絕句

題秋山行旅圖

題高彥敬樹石圖

題萱草蛺蝶圖

題米元暉山水

黃葵詞

題孫安之松楸圖

題太白酒船圖二首

題彥敬越山圖

寄題真定明遠亭

獨夜

因禪師輓詩五首

題李仲賓野竹圖

并序

天冠山題詠二十八首

玄洲十詠寄張貞居

題仲賓竹二首

題周秀才此山堂二首

曉起聞鶯

六言絕句

黃清夫秋江釣月圖

題孤山放鶴圖二首

題王子慶所藏大年墨雁

七言絕句

初至都下即事二首

送王月友歸杭州二首

清勝軒

浮玉山

鄣南山中

奉和本齋先生午日絕句二首

采桑曲

題東野平陵圖

次韻剛父即事四首

戲題僧維堯墨梅

題范蠡五湖杜陵浣花圖二首

梅花

酬羅伯壽二首

題蒼松疊岫圖二首

送王子慶詔檄浙東收郡縣圖籍三首

九月八日雨中悶坐和荅仇仁父張季野以畫寄高仁卿

題龔聖予山水圖二首

杭中雨中

題秋胡戲妻圖

題舜舉折枝桃

懷德清別業二首

過嚴陵釣臺二首

郅中莫歸寄周公謹二首

送山東廉訪照磨于思容

絕句

喜晴

簡王搏霄乞芙蓉杏

送山東廉訪照磨于思容

都南張氏園寓居

和韓君美二絕句

金山蘇州

題所畫梅竹贈石民瞻二首

題所畫梅竹幽蘭水仙贈鶴皋四首

和景杜雪中即事五首

送黃景杜

偶成絕句二首奉懷宋齊彥學士田師孟首即

東城

湖上莫歸二首

春日漫興

題朱銳雪景

即事三絕

又一首

牧牛圖

題孫登長嘯圖

題山水卷

詠史

題羣仲壁

宮中口號二首

自警

劉時濟歸來堂

宿五華山懷德清別業

留題惠山

徐敏父龍虎山仙巖聞雞鳴寄玄卿二首

題茗谿

題四畫

桃源淵明
四皓赤壁

偶得靈璧石筆格狀如俗所謂鑽雲螭虎者因成絕句

題彥敬畫二首

偶成二首

即事二首

贈彭師立二首

次韻周公謹見贈

清勝池上偶成

重用韻

韓定叟自會稽來作詩贈之

次韻韓定叟留別

擬古

哀鮮于伯幾

酬潘提舉

新秋

秋日言懷

送姚子敬教授紹興

述懷

慶壽僧舍即事

送李仲淵同知眉州

幽獨二首

允懷齋

送文章甫陝西都事

美人隔秋水

贈李明道尊師

雲林山中二首

題括蒼山成德隱玄洞天

題先天觀

周南翁悠然閣

夏日即事呈六兄

送謝伯英

偶記舊詩一首

遊幻住庵贈月公長老

清河道中

夏至

庭前松

雜著

樂原

琴原

五柳先生傳論

李齋說

趙郡李氏世譜

序

書古今文集注序

印史序

贈趙虞卿序

送吳幼清南還序

送凌德庸赴淮東憲幕序

第一山人文集序

陳子振詩序

薛昂夫詩集序

左丞相公注唐詩鼓吹序

皇朝字語觀瀾綱目序

送田師孟知河中府序

劉孟質文集序

南山樵吟序

古今歷代啟蒙序

玄武啟聖記序

清權齋內橐序

葉氏經疑序

闕里譜系序

高惟正吳山紀寔詩序

卷第七

記

吳興山水清遠圖記

縮軒記

默齋記

明肅樓記

完州前進士題名記

賢樂堂記

大雄寺佛閣記

瑞州路北乾明寺記

九宮山重建欽天瑞聖宮記

南涇道院記

管公樓孝思道院記

碑銘

大元勅賜故榮祿大夫中書平章政事守司徒集賢院使領太史院事贈
推忠佐理翊亮功臣太師開府儀同三司上柱國追封趙國公謚文定
全公神道碑銘

故昭文館大學士榮祿大夫平章軍國事行御史中丞領侍儀司事贈純
誠佐理功臣太師開府儀同三司上柱國追封魯國公謚文貞康里公

碑

程氏先塋之碑

郝氏先塋碑銘

卷第八

碑銘

蔚州楊氏先塋碑銘

趙君謙甫墓碣

杜氏新塋之碑

故成都路防城軍民總管季公墓誌銘

故嘉議大夫燕南河北道提刑按察使姜公墓誌銘

田氏賢母之碑

先侍郎阡表

故嘉興縣主簿謝府君墓誌銘

故忠靖校尉海道運糧千戶謝君墓誌銘

有元故徵士王公墓誌銘

任叔寔墓誌銘

義士吳公墓銘

卷第九

碑銘

大元封贈吳興郡公趙公碑

田師孟墓誌銘

故嘉議大夫浙東海右道肅政廉訪使陳公碑

故昭文館大學士資德大夫遙授中書右丞商議通正院事領太史院事

靳公墓誌銘

元故將仕郎淮安路屯田打捕同提舉濮君墓誌銘

勅賜玄真妙應淵德慈濟元君之碑

隆道冲真崇正真人杜公碑

勅建大興龍寺碑銘

大元大崇國寺佛性圓明大師演公塔銘

臨濟正宗之碑

卷第十

制

資善大夫隆禧院使父著封贈三代制

章佩丞黑黑封贈三代制

中奉大夫殊祥院使執禮和台封贈三代制

光祿大夫平章政事大司徒徽政院副使領將作院事張九思贈推誠明
亮功臣開府儀同三司太傅上柱國魯國公謚忠獻制

故行軍千戶權順天河南等路軍民萬戶賈輔贈金吾衛上將軍中書左
丞武威郡公謚武毅制

故湖廣行中書省叅知政事賈文備贈榮祿大夫平章政事祁國公謚通
敏制

開府儀同三司太師錄軍國重事遥授中書右丞相宣徽使知樞密院事
領中正院事歪頭封淇陽王制

交趾批答

御試策題

贊

李士弘真贊

叅政郝公畫像贊

雪樓先生畫像贊

魯國文貞公康里不忽木畫像贊

長春宮孫真人真贊

申伯祥畫像贊

張宗邵畫像贊

夏真人真贊

趙子敬真贊

中峰和尚真贊

銘

周侍制致樂堂銘

題跋

書吳幼清送李文卿歸養序後

七觀跋

題如上人詩集

閣帖跋

洛神賦跋

樂府

浪淘沙

太常引

南鄉子

水龍吟

次韻程儀父荷花

虞美人

江城子

賦水仙

蝶戀花

點絳脣

水調歌頭

與魏鶴臺飲芙蓉洲年歲甫用東坡韻見贈走筆和之時乙巳中秋也

又

和張大經賦益荷

虞美人

浙江舟中作

後庭花

浣溪沙

李叔固丞相會間贈歌者岳貴貴

月中仙

應制

萬年歡

應制

萬年歡中呂宮

元日朝會

長壽仙道宮

皇慶三年三月聖節大宴

太常引

人月圓

木蘭花慢

賀桂山慶新居韻

又

和李質房韻

外集

四言詩

題李侯詩卷

序

御集百本經序

農桑圖序

為政善惡事類序

送張元卿序

記

五臺山文殊菩薩顯應記

重修觀堂記

天目山大覺正等禪寺記

濟南福壽禪院記

碑銘

大元大普慶寺碑銘

仰山棲隱寺滿禪師道行碑

五兄墳誌

代姪作

魏國夫人管氏墓誌銘

疏

五臺山寺請謙講主講清涼疏

請雨公長老住聖安禪寺疏

幻住庵主月公金書楞嚴經疏

請謙講主茶榜

題跋

題東老事寔後

紀夢嵇侍中

續集

五言律詩

次袁學士上都詩韻

七言律詩

萬柳堂席上作

弁山佑聖宮次孟君復韻

杭州拱北樓

送陳都事雲南銓選兼簡李廉訪

五言絕句

牧廢苑

題跋

跋王右軍帖

題東坡書醉翁亭記

題右軍思想帖真跡

定武蘭亭跋

臨蘭亭跋

題右軍快雪時晴帖真跡

臨樂毅論跋

題王太令保母碑

題李思訓蓬山玉觀圖

題顧愷之秋嶂橫雲圖

題曹弗興海戍圖

題王摩詰松巖石室圖

題鄭度圖

趙文敏公松雪齋全集目錄終

趙文敏公松雪齋全集卷一

海上 後學

曹 培廉 敬三 校

賦

吳興賦



猗與休哉吳興之為郡也蒼峰北峙羣山西迤龍騰獸舞雲蒸霞起造太空自古始
雙谿夾流繇天目而來者三百里曲折委蛇演漾連漪束為碕灣匯為湖波泓渟皎
澈百尺無泥貫乎城中繚於諸岵東注具區渺渺潏潏以天為隄不然誠未知所以
受之觀夫山川映發照朗日月清氣焉鍾沖和攸集星列乎斗野勢雄乎楚越神禹之所
底定泰伯之所奄宅自漢而下往往開國洎晉城之攬秀據寔沿流千雉面勢作邑是故
歷代慎牧必掄大才選有識前有王謝周虞後有何柳顏蘇風流互映治行同符皆
所以宣上德意俾民歡娛況乎土地之所生風氣之所宜人無外求用之有餘其東
則塗泥膏腴畝鍾之田宿麥再收杭稻所便玉粒長腰照筥及箱轉輸旁郡常無凶
年其南則伏虎之山金蓋之麓浮圖標其巔蘭若捷其足鼓鐘相聞飛甍華屋衡山
絕水魯史所錄盤紆犬牙波澤相屬兼葭葭孤盧鴻頭荷華菱苔鳧茨荏菹蒲軒于四望
弗極烏可勝數其中則有魴鯉鱖鰭頭白小鱸鰣膾餘鼃鼉龜鼈有蛟龍焉長魚

如人歟浪生風一舉百鈞漁師來同罔罟簦罩汕是工鳴榔鼓柁隱然商宮巨細
不遺噉噉喁喁日亦無窮其西則重岡複嶺川原是來其北則黃龍瑤阜之洞玲瓏
長壽之塢縣水百仞既高且阻矜砦嶺巖磊礧礧怪石萬數旅乎如林其高陵則
有楊梅栗栗檳黎木瓜橘柚夏孕枇杷冬華槐檀松柏椅桐梓漆之屬文竿綠竹篠
簞雜還味登俎豆才中宮室下逮薪樵無求不得其平陸則有桑麻如雲郁郁紛紛
嘉蔬舍夜不蓄長新陸伐雉免水弋鳧雁舟楫之利率十過半衣食滋殖容容衍衍
既樂且庶匪教伊慢於是有搢紳先生明先聖之道以道之建學校立庠序服逢掖
戴章甫濟濟多士日躋於古迺擇元日用量幣尊玄酒陳簠簋選能者秉周禮贊者
在前獻者在後雍容俯仰周旋節奏成禮而退神人和右當是之時家有詩書之聲
戶習廉恥之道辟雍取法列郡觀效誠不朽之盛事已或者難曰自古論著之士曷
嘗不識人物紀風俗哉夫人才者濟時之具而風俗者為治之質也今子徒摭撫細碎
排比食貨高談不切炫耀自飾莫大於斯二者顧乃略而弗錄雖文奪組繡聲諧金
石竊為子不取也僕應之曰吾子獨不聞夫子之言乎十室之邑必有忠信今年且
千載地且千里人物之富胡可殫紀史冊畢書可無贅矣若乃風俗之隆汙在為政
者之所移易又弗可得而定著也夫吳雖分在江左嘗被至德之風矣且吾聞之風

行而草偃日中而表正上行下效置郵傳命辟若季子為守言游為令以仁義為化
禮樂為政鎮以不貪之寶喻以不言之信即刑可使不用俗可使益盛方將還敦朴
於上古考休祥於庶徵今美則美矣又可遂以為定乎於是難者唯唯逡巡而失意

求友賦答袁養直

思古人之不可見兮心鬱結而不舒登高邱而遠望兮獨歎慨乎增歔波洋洋其汜
濫兮欲濟而無航膏吾車而孤往兮山鬱乎其蒼蒼四顧閒其寂寥兮思蹇產而不
鑠采眾芳以自娛兮聊假日以愉樂蹇長洲之夫容兮擘大澤之蘭茝擷江籬之秀
穎兮結秋蘭以為佩世俗友尚同兮余獨異乎今之人謂蘭茝為不芳兮蛾眉枉之鳴
以善媼眾不可以戶說兮歷年歲而覲閨變心以從俗兮而吾又不忍徇朝陽之鳴
鳳兮企空谷之白駒何駑駘之眾多兮鸚鵡紛其瞿瞿宜飢渴以需時兮恥屬饜乎
腥腐古道久其弗繼兮吾惕焉為此懼何美人之好修兮獨與余其同心懷余以厚
德兮遺余以好音世固有同居而不察兮何千里而能同亂浙江之滔滔兮涉遠道
以相從覲清揚之信美兮懷盛年而莫當子濯足於東海兮晞髮乎扶桑吸沆瀣以
為飲兮食朝霞以為糧被列星之燦爛兮抱明月之夜光駕青雲而高馳兮鳴和鸞
之鏘鏘擾蒼龍使挾輶兮服白虎以驅不祥願發軔其勿亟兮聊彌節而抑志指黃

昏以為期兮夫孰遠而弗至亂曰鹿鳴呦呦猶求友兮曾謂斯人不如物之知兮獨行無儔吾將與子為類兮

紈扇賦

炎暑時至陽鳥怒飛金石為流白汗沾衣候吹纖條延爽南扉玉枕徒設桃笙安施
旁皇躑躅不知所為於是裂輕紈兮似雪製圓扇兮如月光搖懷袖涼生毛髮起遐
想於青蘋引清颺於天末蕭然襟帶淒其絺葛醒人肌骨祥歌如脫須臾或離中腸
為熱殆造物者欲解民之愠假人力以為之不然豈天時之可奪也復有題詩欣賞
因書奇絕障輕塵以寄恨揚仁風而言別或畫乘鸞之女或誤成蠅之筆白羽離襪
而自愧滴葵比方而知劣及乎商氣應厥民兮玉露降兮百草金風生兮桂枝羅衣
重拂秋蘭復非孤螢冷照寒螢暗啼棄捐篋笥綢繆網絲班姬形中道之怨江淹賦
零落之詩嗟夫用舍有時出處有宜惟人亦爾於物矣疑彼狐貉之御冬豈當暑而
亦悲苟行藏之任道顧竢時乎安之伊聖賢其不可見兮之二人又何知

脩竹賦

猗猗脩竹不卉不蔓非草非木操挺特以高世姿瀟灑以拔俗葉深翠羽翰森蒼玉
孤生太山之阿千畝渭川之曲來清颺於遠岑娛佳人於空谷觀其臨曲檻俯清池

色侵雲漢影動漣漪蒼雲夏集綠霧朝霏蕭蕭雨沐裊裊風披露鶴長歎秋蟬獨嘶
金石閒作笙竽誰吹若乃良夜明月窮冬積雪埽石上之陰聽林間之折意參太古
聲沉寥泝耳目為之閒滌神情以之怡悅蓋其婉秀碧梧託友青松蒲柳慚弱桃李
羞容歌籊籊於衛女詠淇澳於國風故子猷吟嘯於其下仲宣息宴乎其中七賢同
調六逸齊蹤良有以也又況鳴嶰谷之鳳化葛陂之龍者哉至於虛其心寔其節貫
四時而不改柯易葉則吾以是觀君子之德

赤兔鶻賦

皇慶元年上賜大都留守臣伯帖木兒白兔鶻一翎翮皓潔白雪同皎至延祐
元年凡三籠而毛羽變赤光采豔奕異於尋常搏擊勇摯加於疇昔雖老於五
坊者亦不知其所以然豈若君子進於德以潤身者邪公既寫其形質集賢侍
讀學士臣趙孟頫為之賦其辭曰

猗鷖禽兮出金門賜貴臣兮示殊恩色霜雪兮耀前軒解條鏃兮縱平原狐兔駭兮
不及奔歷年歲兮毳如璫繁晨霞兮炫朝暾剛氣勝兮肆飛騫德愈進兮義愈敦炯
雙眸兮睨乾坤

趙文敏公松雪齋全集卷一終

趙文敏公松雪齋全集卷二

海上 後學 曹 培廉 敬三 校

五言古詩

古風十首

詩亡春秋作仲尼蓋苦心空言恐難託指事著以深大義炳如日萬古仰照臨鳳鳥
久不至楚狂乃知音愁來不得語起坐彈吾琴

周衰有戰國紛紛極荆秦黃金聘辯士駟馬迎從人朝為刻骨讎莫作歃血親終然
智力屈奉身俱入秦

相如賦大人出語頗奇怪飄然凌雲意過耳誠一快誇言入無際自覺塵俗隘安知
翻成勸何用名為戒

自有天地來蓬萊幾清淺人生空曷首舉世誰得見瑤臺在何許渺渺煙波遠方舟
不可渡使我空展轉

絕代有佳人被服綺與紈蛾眉秀聯娟吐詞馥若蘭清歌啟皓齒瑤琴發哀彈一彈
再三歎聽者涕汎瀾借問誰家子為言本邯鄲

秋風吹庭樹故葉紛以隊明月耿夜長草蟲促經緯四序苦不淹少壯何足貴展轉

復展轉寤辟不能寐昔為閨中秀今作市門鄙豈無膏與沐甘心得憔悴
山深多悲風日暮愁我心玄雲降寒雨松柏自哀吟人生百年後奄然閔重蔭念此
每不樂天路何由尋仙人倏伶董消搖在青岑奈何不爾思委命重黃金
海山有奇樹粲粲珊瑚枝由來植物性無脰可推移如何石氏子樹之白玉墀洛陽
經幾戰金谷久荒夸空令千載下聞者為傷悲

烈風號枯條落葉滿周道原野何蕭索川流亦浩浩離居日以遠懷思令人老功名
會有時生世苦不早顧瞻靡所騁憂心怒如擣

浮雲何方來不知竟安之飄飄隨風去汗漫以為期自昔功名士往往事驅馳白駒
空谷中誰能如縶維皎皎難見容翻受世妍媸虛名誠無益不見斗與箕

有所思

思與君別來幾見芙蓉花盈盈隔秋水若在天一涯欲涉不得去茫茫足煙霧汀洲
多芳草何心采蘅杜青鳥翔雲間錦書何時還君心雖匪石祇恐凋朱顏朱顏不可
仗那能不惆悵何如雙翡翠飛去蘭苔上

和子俊感秋五首

秋至倏廿日天宇豁然清涼颼旦夕至林木發商聲良辰不我與慨然心自驚古人

久已逝念之動中情苦心嬰世患只博身後名今我將無同庶復得此生
明月照北林翩翩棲鳥翻虛室當靜夜幸絕人事喧念子已獨寐無人相與言吾生
性坦率與世無競奔空懷邱壑志耿耿固長存何由持此意在與嚴鄭論
披衣步中庭仰視河漢白寓形天地內聊復度朝夕仲尼諒非愚皇皇不暖席履運
有異同喟然慨今昔邱園豈云遠終當期屏迹日月馳驚去鳥影飛過隙歸休盍不
早胡為受形役

晴雲暖高宇輕颺弄微涼天氣政爾佳撫已徒自傷今日非昨日在再歎沉光幾見
春鳥鳴已復啼寒蟬一時良亦短萬世則為長

白露泫然墜草木日以凋閒居無塵雜日薄風脩脩登高寓我心葵扇欲罷搖感時
俯逝水回睇仰層霄松喬在何許高蹈不可招願言從之遊懷古一何遙

詠懷六首

皇天分四序寒暑互推移如何當秋夕愴怛令心悲寒蟬寂無聲翔雁紛南飛西風
一披拂草木失華滋不惜題鵲鳴但傷眾芳萎徘徊白露下鬱悒誰能知
吳人涉江來遺我雲和琴朱絲絃玉幹古意一何深長歌和清彈三歎有遺音逸響
隨風發高高不可尋奈何俚俗耳折楊悅哀淫此道棄捐久沉吟獨傷心

明明秋夜月流光照羅帷隱憂從中來起視夜何其草蟲催杼軸扎扎鳴聲悲良人
遠行役萬里歸無期予髮已曲局膏沐久不施回身入閨房愁思當告誰獨有中宵
夢遙遙為君馳

蒼天高無極大川廣且深下有沉潛魚上有溟飛禽先民莫不逸我獨懷苦心抒情
作好歌歌竟意難任

陵苔何青青上蒙松與柏一時良亦好歲晚竟誰得人無金石壽生年不盈百何為
慕榮祿抱此長戚戚

菽粟在中原夫人能采之無為思百憂歡樂當及時今日忽已過來日非所知有酒
且復飲既醉歌令儀

詠逸民十一首

自古逸民多矣意之所至率然
成詠聊與同好時而歌之耳

鳳凰覽德輝奮翅翔千仞矯矯孤竹子求仁斯得仁於心有不厭視世等埃塵俯仰
志不屈又不辱其身聖言一以宣萬古無緇磷誰言首陽山卓與蒿華鄰采采山中
薇媿爾肉食人

勞生本非情祿仕吾不苟古來耿耿聞亦有沮溺叟依依耦耕心千載思尚友中道

世所難狂狷誠足取如何絕代下相知不忠厚仲尼不復作斯懷向誰道
駟車秣騶馬吾將適齊國聞有魯連子做儻好奇畫一設秦師走再說聊城拔功成
不受賞高舉振六翩布衣終其身豈復為世役茫茫千載遠安往訪遺跡躊躇東海
上向風長太息

四時相代謝榮耀何足恃辰田引新蔓不見桃與李知士解其會遇坎當復止邵生
故秦吏乃亦睹茲理賢哉感我懷三歎不能已

予真初亦仕歲晚乃逃之區區南昌尉上疏忘其卑忠言不見用耿耿當告誰飄然
棄妻子終身與世辭抱關甘貧賤所貴莫我知至今九江墳清風激羣黎神仙信茫
昧此士獨不疑孤雲無定在逝水何時歸遐思一矯首悵望無由期

悠悠空山雲泱泱長江流廊廟意不屑山澤聊淹留故人在天位高步追巢由豈曰
子無衣辛苦被羊裘東京多節義之子乃其尤窮居雖獨善輔世豈不優

汪汪千頃波不為人濁清道周言行表蕩然無得名誰言牛醫兒乃是人中英當時
無間言後世流德聲思之不可見使我鄙吝萌淳風久已漓此意豈復存時無君子
者雖賢寧見稱

南州有高士食力事耕稼優游聊卒歲不矯亦不隘大木行欲顛緇纒豈足賴何為

諸老翁棲棲不遑舍斯言非無見明哲自高邁誰能懸一榻待子來稅駕
鹿門何亭亭下有辟世賢鳳鷟隱中林卧龍蟠其淵一朝起高翔斯人獨深潛功名
不可為我志久已安一聞耆舊傳使我心悠然

黃鵠羽翼長一舉思千里幼安本中原乘桴走東海舉世方尚同遠引存吾志流風
漸異俗敦禮化鄰鄙子魚平生友胡乃不相委

塵事非所便田園久見招歸來三逕中蔚蔚長蓬蒿雖有荷鋤倦濁酒且自陶茫茫
大化中委運將焉逃唐虞去已遠由來非一朝粲粲霜中菊采采忘其勞

歲暮和剛父雜詩四首

窮陰結嚴寒玄景闕微陽蘭蕭同憔悴隱惻我中腸美人彈玉琴繼之歌清商絃急
聲未已知子意獨長陽春時未至此曲徒悲傷

美玉處荆山林木生光輝采之獻凡目棄置亦其宜如何和氏子涕泣有餘悲古來
賢達人不知毀譽移被褐懷至寶寧懼不我知待賈未能信韞藏誠可師

驚飈吹白日流光忽蹉跎登山采眾芳荆蓁一何多迷途幸未遠回車且委蛇黃鵠
志四海雀鷗將如何

肥馬黃金鞍輕裘華且鮮趨來從橫馳意氣何翩翩朝為人所慕夕已為世憐此道

固應爾禍福非虛言生當稱善人死當謚為賢勿羨夸毗子狂馳終百年

贈道隆上人

辟俗無所之步尋招提遊顧垣蔽蓬艾破屋壞不修老僧俗念淨靜坐百不憂浮雲
有逸態止水無急流乃知我輩人苦受世累囚竭來得此地稍覺心休休窗前幾藪
菊青蕊亦已稠愛之不忍采留作山房秋何當移四松伴汝成清幽南岡與北嶺路
近頗易求他年風雨夜來聽龍吟愁

遊南山憇山下人家和人韻

驅馬南山陽下馬望絕巘解衣坐盤桓言就蓬廬偃非無攀援力興盡自應返天高
暄風息木落歲華晚勢阻乏遐觀趣得心自遠不有君子詞何用抒繾綣

東郊

晨興理孤榜薄言東郊遊清風吹我衣入袂寒飈颼幽花媚時節弱將依寒流山開
碧雲歛日出白煙收曠望得所懷欣然消我憂中流望城郭蔥蔥佳氣稠人生亦已
繇惠養要須周約身不願餘尚恐乏所求且當置勿念乘化終歸休

春後多陰偶成三首用復無逸來貺

日出晨景澹散髮步中庭仰見濯濯柳春風暢人情茲晨豈不佳誰能定陰晴人生

亦良脆疲勞竟何營萬事可撥遣舍道焉求成
臥起向北窗一室可棲遲取詩三百篇一一絃歌之古道豈為遠先師不吾欺嘉我
有良朋所志共在茲適意聊娛樂過此非所知
仲春忽已過四序隨流波水深不可厲苦雨一何多田園頗在念春事今如何沉憂
亦無益言笑復言歌

曉起川上贈友

明發不能寐獨步柳陰中秋色方浩蕩晨光乍矐矐爍爍川上日蕭蕭樹間風葛巾
欲吹墮纖絳已無功感彼歲月駛悟此人世空悠悠竟何補山林情所鍾終期抗高
志駕言從赤松

遊弁山

我欲到斯境歲月良已深今晨為茲遊躊躇我夙昔心悠悠岡坂長慘慘風雲陰微雨
迫短日飄然洒衣襟婁欲還吾駕去意復難任逍遙得所止林竹自蕭森素琴不須
彈山水有清音邈在樊籠外塵想何由侵况懷冥絕理去此將焉尋他山豈不好聊
爾非所欽

二月二日尊經閣望郊外山水二首

朝登西北樓遐景舒我懷
熹微晨光動窈窕春增華
草木罕悴色山川一何佳
悠然斜川意千載與我諧
及茲春服成言詠樂無涯
此理將不泯棄之良可嗟
日出群動作雞犬亦復喧
渺渺孤舟發翩翩棲鳥遷
先師有明訓政在善利聞
結髮事詩書於今益可憐
况茲去古遠瀟風未易還
吾行亦聊爾一覽可忘言

四墓詩和錢舜舉韻

子哲有高志悠然舞雩春
接輿諒非狂行歌歸隱淪
周也寔曠士天地視一身
去之千載下淵明亦其人
歸來北窗裡勢屈道自伸
仕止固有時四子乃不泯
九原如可作執鞭良所欣

春思

春柳黃如鶯春風揚綠波
美人在何許忽若阻山阿
攀條弄白日常恐歲蹉跎
懷思鬱不舒佳期將奈何
良辰難驟得臨風空浩歌

雜詩

四時更代謝物化常隨之
春華曾幾何歲月忽如茲
嚴風動高林百草具已萎
人生况有役憂患乃其宜
棄捐勿復念出入由化機
安得松喬術邈與世相違

寄題右之此靜軒

卜居無喧寂尚論心所宗山林苟不靜亦與朝市同聞君南窗下寄傲樂無窮曲肱
有餘趣戰勝紛華中好風從何來吹子庭前松清琴時一彈濁酒尊不空頗恨道里
賒不得往相從人事矧好乖我心何時降

廉山曉行

曳杖行墟曲蒼茫曉色分凝霜被原隰葛屨非昔聞新松夾道周宿草冒高墳日月
迭而逝死生安足云輕舟淞寒流悵望廉山雲世固不可辟斯人本同羣緬焉心如
結詠言著斯文

奉和本齋先生首夏即事

天道雖不言坐覺四時行藹藹庭前陰燼燼枝上榮閒居有真趣曲肱寄餘情仰視
浮雲翔俯聆時鳥鳴道勝心自怡松喬可齊齡惜哉無旨酒為公稱兕觥

贈趙虞卿

客從北方來道遙江湖閒顧影空自愛不見欣戚顏爽秋去已遠神觀一朝還惜無
雙白髯慰子行路難翩翩雲中鶴孤高杳難攀長懷紫霞客引袂入名山

題董元溪岸圖

石林何蒼蒼油雲出其下山高蔽白日陰晦復多雨窈窕溪谷中邇回入洲激冥冥

後耽居漠漠鳬雁聚幽居彼誰子孰與玩芳草因之一長謠商聲振林莽

贈別夾谷公

驅馬原隰閒經時不遑休昔來日在斗今去麥已秋王事有埤益宴安非所求翩翩晨風翼一舉逝莫留誰令匏水繫自懷離別憂

青青蕙蘭花含英在中林春風不披拂胡能見幽心相去千里餘會合大江南北席談自古知我一何深此別雖非遠懷思渺難任公其愛體素尚無金玉音

題舜舉小隱圖

有水清且泚洄洑亂石閒樂哉三子者在澗歌考槃流波牽弱縷輕颺動文竿信無吞舟魚我志匪魴鰈勿言隱尚小神情有餘閑高士不可見古風何時還

趙邨道中

朝出南郭門遙指西山陰馬蹄與石鬪宛轉愁我心溪谷莽回互寒風振宮林黃葉洒我衣巖泉走哀音淒淒霜露落窮思浩難任人生亦何為百年成古今華堂首燕處零落歸邱岑况復不得保悲來淚沾襟

昔年干戈動兵塵暗三吳長江已無險智勇亦難圖築壘依平山謀國一何愚楨幹群林空遺址莽邱墟至今蓬蒿下猶有白骨枯天陰萬鬼哭慘慘荒山隅興亡自有

數不敢問何如獨憐野菊花立馬為躊躇

奉酬戴帥初架閣見贈

仙人海上來遺我珊瑚鉤晶光奪凡目奇采耀九州自古得此寶晝玩夜不休生世
勿恨晚及與斯人儔惜哉無瓊玖可以結綢繆世德日下哀古風向誰求蛾眉亦何
有空受眾女仇適俗固所願違已良足憂感子贈言意再拜涕泗流安得騎麒麟從
子以遠遊

吾愛戴安道隱居絕埃塵彈琴聊自娛書畫又絕倫豈無召我者已矣非所欣昔我
道荆中山川自清新是時夜雪霽懷哉見其人常欲以暇日慷慨為寫真之子有祖
風千里響然臻我從蘇李後敢言筆墨神坐之盤石上俗物不得親微君動高興此
意當誰陳

桐廬道中

歷歷山水郡行行襟袍清西崖東滄江扁舟此宵征臥聞灘聲壯起見渚煙橫西風
林水淨落日沙水明高旻眾星出東嶺素月生舟子棹歌發含詞感人情苦不
遠東山有遺聲豈不懷燕居簡書趣期程優游恐不免驅馳竟何成我生悠悠者何
日遂歸耕

張唐事遂初亭

青山縹神景佳氣溢芳甸林亭去天咫萬狀爭自獻年多嘉本合春晚餘花殿雕蘭
留戲蝶藻井語嬌燕退食鳴玉珂友于此終宴鐘鼓樂清時衣冠集群彥朝市塵得
侵圖書咏方遠紛華雖在眼道勝安用戰初心良已遂雅志由此見何事江海人山
林未如願

送周正平學士致仕還里

關吏晨啓門僕夫戒首途祖道京城南喜色動闔閭仕宦非徒榮出處貴合義公今
雖未毫進退有餘地高蹈激流俗清風聳朝廷增秩仍繼祿聖明優老成逍遙桑梓
閒年高德彌邪紅顏醉春酒白髮照晴昊兩疏真勇決四皓甘隱淪漢史不專美古
今凡幾人青牛當南遊紫氣已先路我欲強著書懷哉未能去

寄鮮于伯幾

廟廊不乏才江湖多隱淪之子稱吏隱才高非衆鄰脫身軒冕場築屋西湖濱開軒
弄玉琴臨池書練裙雷文絜周鼎鹿鳴娛嘉賓圖書左右列花竹自清新賦詩凌鮑
謝往往絕埃塵我生少寡諧一見夙昔親誤落塵囿中四度京華春澤雉歎畜樊白
鷗誰能馴

送程子充運副之杭州

鹽為生民食日用猶水火雖非飢所急一日無不可但令商賈便那復愁國課數年人壞法貪欲肆偏頗利多歸私室民始受鹽禍爾來又計口強致足包裏權酷窮滴漚征商劇遮邏東南民力竭此事非細瑣朝家更改化選擇堪負荷君為尚書郎精白色嗟嗟明當戒行李往理吳越施祝君無別語編戶要安妥湖山多勝處亦可供宴坐設笑尊俎閒佳聲滿江左

贈茅山梁道士

名山標白曲秀嶺蔚層雲層雲散浩影中有三茅君度世三千秋流芳浩無垠丹光耀朱陽琴心傳玉文司命播萬物發蒙導人羣學道得曠士采真遺塵氛贈我書一編清謠吐奇芬筆耕亦已勤寸田要鋤耘靈臺聲絳闕黃雲覆氤氲內觀神自照衆言一何紛平生山林意獨往乃所欣棲援桂樹枝采擷芝蘭薰靜與木石居遊則侶麋麇松柏無冬夏煙霞自夕昕軒冕或桎梏綺語徒殫蕘大道逕爾朴至哉吾師云冥冥索真想湛言久不聞聆我歌洞章判然仙凡分

罪出

在山為遠志出山為小草古語已云然見事若不早平生獨往願邱壑寄懷抱圖書

時自娛野性期自保誰令墮塵囹圄轉受纏繞昔為水上鷗今如籠中鳥哀鳴誰復顧毛利日摧槁向非親友贈蔬食常不飽病妻抱弱子遠去萬里道骨肉生別離邱壠缺拜掃愁深無一語目斷南雲杳慟哭悲風來如何訴穹昊

次韻齊彥學士中秋雨後玩月

臥疴媿微官府仰百憂集安知中秋至但見明月出蕭蕭雨新已涼氣澄霽夕青是羅疎星燦若珠與辟小蟲鳴草根萬物皆自適而我獨何為矯首望南北愁來無端倪撥去終不釋人生莫不樂杯酒會鄰戚高歌雜清唱起舞憂鳴瑟閉戶且復眠空尊何由酌

秋日錦樓為繼卿作

灼灼庭下花霜餘發春妍眾卉方具腓穠芳獨嫣然主人遠方來一笑清尊前植物豈無情有開容必先造化寓深意嘉與後人傳

聽姜伯惠父彈琴擊阮

姜子早聞道澹然遺世榮莖花有生意焚香無俗情時抱琴與阮彈作松風聲曠昔江湖間久已知子名安知十年後一笑成合并是邦山水秀照人肌骨清願子石泉上為鼓一再行因之洗我耳遂欲濯塵纓

題洞陽徐真人萬壑松風圖

謾謾松下風悠悠塵外心以我清淨耳聽此太古音逍遙萬物表不受世故侵何年從此老辟穀隱空林

自釋

君子重道義小人貴功名天爵元自尊世紛何足榮乘除有至理此重彼自輕青松與蔓草物情當細評勿為蔓草蕃願作青松貞

禱雨龍洞山

蒼山如犬牙細路入深谷絕壁千餘仞上有凌雲木陰崖不受日洞穴自成屋蕭森人跡少蒼蔚獸攸伏雲林互隱映澗道相回復翔禽薄穹霄鳴鳥響巖曲臨橋濯清颺汲井漱寒玉神物此淵潛行陽有祈祝風瀉慙善教吏懦恥厚祿憂懷塵外想獨往疑有結過幽難久居濟勝之高躅策馬尋故蹊歸樵相追逐

送石仲璋

霜風何淒厲蘭蕭同枯葉念此鼻為酸惻悽愴中心悲由來無醜好眾女嫉蛾眉數畧困巨魚鹽車厄天驥况復值怨仇員錦成禍機俯首無所訴道醯聽所為向非知己者雖死誰明之君子有行役後會在何時欲別不敢往瞻望涕漣漣而援筆撫我心為

公吐此詞

題桃源圖

戰國方忿爭，嬴秦復狂怒。冤哉魚肉民，死者不知數。斯人逃空谷，此殆天所恕。山深無來逕，林密絕歸路。艱難苟生活，種蒔偶成趣。西舍與東鄰，雞犬自來去。熙熙如上古，無復當世慮。安知捕魚郎，延緣至其處。遙遙千載後，緬想增慨慕。即今生齒繁，險絕悉開露。山中無木客，川上靡漁父。雖懷隱者心，桃源在何許。况茲太平世，堯舜方在御。干戈久已戢，老幼樂含哺。田疇畢耕耨，努力勤莖樹。毋為問迷津，窮探事再舉。

題歸去來圖

生世各有時，出處非偶然。淵明賦歸來，佳處未易言。後人多慕之，效顰惑蚩妍。終然不能去，俛仰塵埃間。斯人真有道，名與日月懸。青松卓然操，黃華霜中鮮。棄官亦易耳，忍窮北窗眠。撫卷三歎息，世久無此賢。

題李伯時元祐內廐五馬圖黃太史書其齒髦

五馬何翩翩，蕭灑秋風前。君王不好武，鬻粟飽豐年。朝入閭闔門，莫秣十二閑。雄姿耀朝日，滅沒走飛煙。顧盼增意氣，羣龍戲芝田。駿骨不得朽，託茲書畫傳。誇哉昭陵石，歲久當頽然。

酬滕野雲

滕君本臞儒肝高足清氣賦詩多秀句往往含古意大誇江山美一洗塵土翳平生
有詩癖得句時自憊爾來荒蕪甚枯澀常內媿錦繡忽墮前令我喜不寐功名亦何
有富貴安足計唯有百年後文字可傳世雲谿春水生歸志行可遂聞吟淵明詩靜
學右軍字但恐君未閒書成無由寄

述太傅丞相伯顏功德

興廢本天運輔成見人庸輿地久以裂車書會當同先帝昔在御如日行虛空六合
仰照耀一方顧顓蒙授鉞得人傑止戈代天工鐵馬浮度江坐收破竹功草木紛震
動山川變鴻濛地利不復險金城何足攻市廛易肆憂兵無血刃紅孰能年歲間伐
國究始終老稚感再生遺黎忘困窮歸來一不取匹馬走北風九域自此一益見聖
世崇大哉先帝仁允矣丞相忠嗟我始弱冠弗獲拜此公作頌歌元勲因之寫吾衷

送文子方調選雲南

我友文子方其人美如玉高談動鄉相惠利厚風俗文章多古意清切綠水曲紛紛
鳬鷺羣見此摩霄鶚今當使西南萬里道叩蜀銓衡非細事賢俊要甄錄遠人待子
來飢者望叔粟賢勞亦常事但恐期程促馬嘶晨當行草長春正綠執手臨路岐使

我空躑躅

吳真人盧溝雨別圖

驅馬上河梁執手遠別離遠別數百里臨分各相思山川一何悠去去勿復遲高堂有雙親黃髮映龐眉還家拜堂下置酒作兒嬉却歸見天子忠孝兩無虧人生如公少致身貴及時此行將未已親壽當期頤

高氏謹節堂

先聖有明訓見諸庶人章少小誦習之白首不敢忘高子躬孝弟養親在高堂蕭公三大字岌岌端且莊對之銘座右凜然肅冠裳謹身用始節節用乃無荒斯言非虛語旨遠味自長守此期勿失善積有餘慶

題耕織圖二十四首奉懿旨撰

耕正月

田家重元日置酒會鄰里大小易新衣相戒未明起老翁年已邁含笑弄孫子老嫗惠且慈白髮被兩耳杯盤且羅列飲食致甘旨相呼團圞坐聊慰哀莫齒田硯藉人力糞壤要鋤理新歲不敢閑農事自茲始

二月

東風吹原野地凍亦已銷早覺農事動荷鋤過相招遲遲朝日上吹煙出林梢土膏脉既起良耜利若刀高低徧翻壅宿草不待燒幼婦頗能家并甸常自操散灰緣舊俗門逕環周遭所冀歲有成殷勤在今朝

三月

良農知土性肥瘠有不同時至萬物生芽蘖由地中秉耒向畎畝忽徧西與東舉家往于田勞瘁在爾農春雨及時降被野何濛濛乘茲各播種庶望西成功培根利秋寔仰天望年豐但使陰陽和自然倉廩充

四月

孟夏土加潤苗生無遠近漫漫冒淺波芄芄被長阪嘉穀雖已植惡草亦滋蔓君子與小人並處必為患朝朝荷耒往薈耨忘疲倦旦隨烏雀起歸與牛羊晚有婦念將飢過午可無飯一飽不易得念此獨長歎

五月

仲夏苦雨乾二麥先後熟南風吹隴畝惠氣散清淑是為農夫慶所望寔其腹沽酒醉比鄰語笑聲滿屋紛然收穫罷高廩起相屬有周成王業后稷播百穀皇天貽來牟長世自茲卜願言成歲稔四海盡蒙福

六月

當晝耘水田農夫亦良苦赤日背欲裂白汗灑如雨匍匐行水中泥淖及腰背新苗抽利劒割膚何痛楚夫耘婦當饁奔走及亭午無時暫休息不得避炎暑誰憐萬民食粒粒非易取願陳知稼穡無逸傳自古

七月

大火既西流涼風日淒厲古人重稼穡力田在匪懈郊行省農事禾黍何旆旆碾以他山石玉粒使人愛大祀須粢盛一一稽古制是為五穀長異被稊與稗炊之香且美可用享上帝豈惟足食人一飽有所待

八月

白露下百草莖葉日紛萎是時禾黍登充積徧都鄙在郊既千庾入邑復萬軌人言田家樂此樂誰可比租賦以輸官所餘足儲峙不然風雪至凍餒及妻子優游茅簷下庶可以卒歲太平元有衆治世乃如此

九月

大家饒米麪何啻百室盈縱復人力多耄磨常不停激水轉大輪磴碾亦易成古人有機智用之可厚生朝出連百車莫入還滿庭勾稽數多少必假布算精小人好爭

利晝夜心營營君子貴知足知足萬慮輕

十月

孟冬農事畢穀粟既已藏彌望四野空蕪結亦在場朝廷政方理庶事和陰陽所以頻歲登不憂旱與蝗置酒燕鄉里尊老列上行肴羞不厭多魚羔復烹羊縱飲窮日夕為樂殊未央禱天祝聖人萬年長壽昌

十一月

農家值豐年樂事日熙熙黑黍可釀酒在牢羊豕肥東鄰有一女西鄰有一兒兒年十五六女大亦可笄財禮不求備多少取隨宜冬前與冬後婚嫁利此時但願子孫多門戶可扶持女當力蠶桑男當力耘耔

十二月

一日不力作一日食不足慘淡歲云莫風雪入破屋老農氣力衰偃偻腰背曲索綯民事急晝夜互相續飯牛欲牛肥芟藁亦預蓄寒驢非劣弱挽車致百斛農事極勞苦歲崖恒稔熟能知稼穡艱天下自蒙福

織正月

正月新獻歲最先理農器女工並時興蠶室臨期治初陽力未勝早春尚寒氣窗戶

當與密勿使風雨至田疇耕耨動敢不修耒耜經冬牛力弱相戒勤飯飼萬事非預備倉卒恐不易田家亦良苦捨此復何計

二月

仲春凍初解陽氣方滿盈旭日照原野萬物皆欣榮是時可種桑插地易抽萌列樹徧阡陌東西各縱橫豈惟籬落閒采葉憚遠行大哉皇元化四海無交兵種桑日已廣彌望綠雲平匪惟錦綺謀祇以厚民生

三月

三月蠶始生纖細如牛毛婉孌閨中女素手握金刀切葉以飼之擁紙散周遭庭樹鳴黃鳥發聲和且嬌蠶飢當采葉何暇事遊遨田時人力少丈夫方種苗相將挽長條盈筐不終朝數口望無寒敢辭終歲勞

四月

四月夏氣清蠶大已屬眠高首何昂昂蛾眉復娟娟不憂桑葉少徧野如綠煙相呼攜筐去迢遞立遠阡梯空伐條枚葉上露未乾蠶飢當早歸秉心靜以專飭躬修婦事黽勉當盛年救忙多女伴笑語方喧然

五月

五月夏以半谷鶯先弄晨老鶯成雪繭吐絲亂紛紜伐輦作曲薄束縛齊榛黃者
黃如金白者白如銀爛然滿筐筥愛此顏色欣欣舉家喜稍慰經時勤有客過相
問笑聲聞四鄰論功何所歸再拜謝鶯神

六月

釜下燒桑柴取繭投釜中纖纖女兒手抽絲疾如風田家五六月綠樹陰相蒙但聞
繰車響遠接邨西東旬日可經絹弗憂杼軸空婦人能蠶桑家道當不窮更望時雨
足二麥亦稍豐沽酒田家飲醉倒嫗與翁

七月

七月暑尚熾長日弄機杼頭蓬不暇梳揮手汗如雨嚶嚶時鳥鳴灼灼紅榴吐何心
娛耳目往來忘僮僮織為機中素老幼要細補青燈照夜梭蟋蟀窗外語辛勤亦何
有身體衣幾縷嫁為田家婦終歲服勞苦

八月

池水何洋洋漚麻水中央數日麻可取引過兩手長纖絹能幾時織布已復忙依依
小兒女歲晚歎無裳布襦不掩脰念之軼中腸朝緝滿一籃暮緝滿一筐行看機中
布計日漸可量我衣苟已成不憂天早霜

九月

季秋霜露降凜凜寒氣生是月當授衣有布織未成天寒催刀尺機杼可無營教女學紡繹舉足疾且輕舍南與舍北嚶嚶聞車聲通都富豪家華屋貼娉婷被服羅綺五色相閒明聽說貧家女惻然當動情

十月

豐年禾黍登農心稍逸樂小兒漸長大終歲荷鋤鑿目不識一字每念心作惡東鄰方迎師收拾令入學後月日南至相賀因舊俗為女裁新衣修短巧量度龜手事塞向庶御北風虐人生真可歎至老長力作

十一月

冬至陽來復草木潛滋萌君子重其然吾道自此亨父母坐堂上子孫列前榮再拜稱上壽所願百福并人生屬明時四海方太平民無札瘥者厚澤敷群情衣食苟給足禮義自此生願言興學校庶幾教化成

十二月

忽忽歲將盡人事可稍休寒風吹桑林日夕聲颼颼牆南地不凍墜掘為坑溝斫桑埋其中明年芽早抽是月浴蠶種自古相傳流蠶出易脫殼絲續亦倍收及時不勞

力知有來歲否手凍不足惜冀免號寒夏

YORK UNIVERSITY

JUN 1 / 2001

EAST ASIAN STUDIES

趙文敏公松雪齋全集卷二終

